

小便出血

陰腫

陰痒

陰挺下脫

陰瘡

交接輒血出痛

胎前惡阻痰逆

胎動不安

胎漏下血

胎氣上逼

妊娠心腹痛

妊娠腰背痛

妊娠小腹痛

妊娠心腹脹滿

妊娠數墮胎

胎不長

墮胎血下不止

未足月欲產

過期不產

妊娠欬嗽

妊娠吐血衄血

丁頰

...

...

...

...

...

...

...

...

...

...

...

...

...

...

...

...

...

...

...

赤水玄珠婦人門第二十二卷目錄

妊娠煩躁口乾

風痙子癇

妊娠瘕瘕

妊娠鬼胎

妊娠不語

傷寒熱病防損胎

妊娠傷寒

妊娠時氣

過時熱病

熱病胎死腹中

妊娠瘡疾

妊娠泄瀉

下痢黃水

大小便不通

小便不通 齧胎

子淋

妊娠遺尿

妊娠尿血

胎水腫滿

腹內鍾鳴

孕癰

臧躁悲傷

滑胎方法

十產論

產難方論

交骨不開產門不閉

下死胎方

產難生死脉訣

胞衣不出

產後血暈

產後顛狂

狂言謔語

產後不語

赤水玄珠婦人門第二十一卷

新安生生子孫一奎著輯

小便出血

良方曰心主於血通行經絡循環臟腑得寒則凝澀得熱則妄行失其常道則溢滲於脬則小便出血也

薛氏曰前症肝經血熱者加味逍遙散怒氣血傷者同治調送血餘灰妙若肝經風熱用前散送子芩丸氣血俱虛者八珍散送血餘灰膏梁積熱者清胃散加槐花甘草風熱傷胃者四君子加防風枳殼胃虛不能攝血者補中益氣鬱結傷脾不能攝血者濟生歸脾湯

一婦小便出血服四物蒲黃之類更加發熱吐痰加芩連

之類又飲食少思虛症蜂起肝脈弦而數脾脈弦而緩  
此因肝經風熱為沉陰之劑脾傷不能統血發生諸臟  
而然也用補中益氣六味地黃丸而痊

蒲黃鹿茸散 治勞損尿血發熱內熱或寒熱往來口乾

作渴

蒲黃炒 鹿茸炙 當歸 生地 葵子炒

續斷酒炒各等分 為末每服二錢酒調日三服

髮灰散 起居所傷小便尿血或忍尿脬轉臍下急痛小

便不通又治肺疽心衄內崩吐血舌上出血俱妙本草

云能療瘀血通關膈利水道破癥瘕癰腫狐疝  
刺痛注雜瘡療脬轉通大小便止咳嗽鼻衄

右每服二錢米醋湯調下

生地黄散 血熱尿血

生地 二錢 黃芩 炒五錢 阿膠 炒 側柏葉 炒各一錢

右水煎食前服

當歸散 血分熱尿血

川歸 羚羊角屑 赤芍 各五分 刺薊葉 一錢 生地 一錢

右水煎服

又方 治血分有熱生地黄搗汁每用一小盞日三服

又方 治血分熱尿血用炒蒲黃末每以二錢溫酒下

鹿角膠散 鹿角膠炒為末二兩作二服長流水調炒

陰腫

良方曰陰腫因胞絡素虛風邪客之乘于陰部血氣相搏

故也

薛氏曰氣血虛弱補中益氣湯肝經濕熱龍胆瀉肝湯又當與陰痒陰挺陰冷相參而治

又云一婦陰中腫悶小便澀滯兩脇作腫內熱晡熱月經不調時或寒熱此因肝經鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味逍遙散清肝火生肺血除濕熱各數劑諸症悉愈又用四君芎歸丹皮調補肝脾而經水如期

菖蒲散 治月水澀滯陰戶腫痛

菖蒲

當歸

炒各一兩

秦艽

二兩

右每服五錢入葱白水煎服



白礬散 治陰腫堅痛

白礬 錢五

錢

甘草 分五

分

大黃 兩一

兩

右為末水調如粳大綿裹內陰中一日兩換以愈為

度

陰痒

良方曰陰痒為三虫在腸胃之間因臟虛而蝕經則陰中  
痒甚則陰中痛也

生生子曰前症亦有虛者古人有用人參一兩煎湯服之  
而愈子曾治一宦婦年廿一疹出未滿月而犯房事熱  
因下陷陰中痒甚每一發神魂颺然兩手抓壁口中咬  
物鮮血淋漓爪脫肉破而不遑顧七日肌肉如削諸洗

插方歷試無功作虫治尤劇欲懸梁求死子爲籌之乃  
虛熱陷入至陰當從陰引陽以黃芪六錢甘草二錢防  
風一錢柴胡二錢水煎食前服之其疾頓止此引金伐  
木之法也

薛氏曰前症屬肝經所化當用龍胆瀉肝湯逍遙散以主  
其內外以桃仁研膏和雄黃末或鷄肝內陰中以制其  
虫

一婦胸膈不利內熱作渴飲食不甘肢體倦怠陰中悶痒  
小便赤澁此鬱怒傷肝脾所致用歸脾湯加山梔而愈  
復因怒患處并小腹脹痛用小柴胡加芎歸山梔芍藥  
痛止用山梔入逍遙散而痊又因勞役患處腫脹小便

仍瀝用補中益氣加山梔茯苓丹皮而廖

一方 新莠葉烏綿裏內陰中一日三易

大黃散 治陰痒

大黃微炒

黃芩

黃芪炙各五兩

赤芍

玄參

蛇床子

山茱萸

為末酒調服二錢

又方 杏仁燒灰乘熱綿裏納陰中日二易之

又詩曰 玉戶生瘡時痛痒皆因房色損其元黃葱水洗

二三次杏仁燒灰油調塗加麝香尤妙

又方 鱈魚胆際之妙

陰挺下脫

良方曰婦人陰挺下脫或因絕絡傷損或因子臟虛冷或

因分娩用力所致

薛氏曰前症當升補元氣爲主若肝脾鬱結氣虛下陷用

補中益氣湯若肝火濕熱小便澹滯龍胆瀉肝湯

一婦陰中突出如菌四圍腫痛小便頻數內熱瞞熱似痒  
似痛小便重墜此肝脾鬱結益肝火濕熱而腫痛脾虛  
下陷而重墜也先以補中益氣加山梔茯苓車前子青  
皮以清脾火升脾氣更以加味歸脾湯調理脾鬱外以  
生豬脂和藜朮末塗之而收

一婦陰中挺出五寸許悶痛重墜水出淋漓小便澹滯夕  
與龍胆瀉肝湯分利濕熱朝與補中益氣湯升補脾氣  
諸症漸愈再與歸脾湯加山梔茯苓川芎黃柏間服調

理而愈後因勞役或怒氣下部濕痒小水不利仍用前藥即愈

一方 治陰挺下脫

當歸

黃芩

各二兩 牡蠣 二兩

蝟皮

一兩

赤芍

兩半

右為末每以二錢食前温酒

調下米飲亦可

治陰挺長出玉戶數寸者疼痛不可忍飲食不進用前方

治其內仍以

大黃

山茱萸

石羔

牡蠣

乳香

為細末水調揣熟捏作条子如中指大陰乾插

入玉戶其痛即止

陰瘡

薛氏曰此症乃七情鬱火傷損肝脾濕熱下流其外症陰

中突出如蛇如菌如鷄冠或生重濕痒或潰爛出水或  
腫悶墜痛其內症體倦內熱經候不調或飲食無味晡  
熱發熱或胸脇不利小便痞脹或赤白帶下小水淋漓  
其治法腫痛者四物加柴胡丹皮山梔胆草濕痒者歸  
脾湯加柴胡山梔丹皮淋漓者龍胆瀉肝湯加白朮丹  
皮潰腐者逍遙散山梔川芎腫悶墜痛者補中益氣湯  
加山梔丹皮佐以外治之法

一婦素性急陰內痛小便赤澀怒而益甚或發熱或寒熱  
此肝經濕熱所致用芎歸炒梔柴胡苓朮丹皮澤瀉炒  
芍車前炒連甘草數劑漸愈乃去黃連澤瀉又數劑全  
愈

一婦臍腹上下并玉戶遍生濕瘡狀如馬爪瘡他處並無  
熱痒而痛大小便瀉出黃汁食減身面微腫眾作惡瘡  
治反劇愈痛急令洗去乃用馬齒莧四兩青黛一兩同  
搗爛敷瘡上卽時痒止痛定而熱亦退仍服八政散日  
三服分散客熱每敷藥僅得一時久藥已乾燥再塗新  
濕藥又安凡如此二日僅減三之一五日減三之二自  
此二十日全安 緣此婦嗜酒貪啗魚蟹發風之物而  
中下焦蓄風熱之毒氣當作腸癰內痔等疾后當禁酒  
及發毒之物

一方 治玉戶生瘡 杏仁燒存性 雄黃 明凡各五錢

麝香一錢二分 右爲末敷之

又方 飛丹研極細生桐油調搽二三日効

交接輒血出痛

薛氏曰一婦每交接便血出作痛此肝火動脾而不能攝血用補中益氣濟生歸脾二湯而愈若出血過多而見他症但用前藥調補肝脾

千金方

療交接血出

伏龍肝

桂心

等分

爲末每服一錢酒調下

胎前惡阻及痰逆不食

惡阻者謂嘔吐惡心頭眩惡食擇食是也脈息和順但覺肢體沉重頭目昏眩好食醎酸甚者或作寒熱心中憤悶嘔吐痰水不能支持古謂之子病由胃氣怯弱中脘



停痰之所致也

薛氏曰脾胃虛弱嘔吐不食用茯苓半夏湯蓋半夏乃健脾化痰滯之主藥也痰涎壅滯飲食少思胎氣不安爲必用之藥須倍加白朮然半夏白朮陳皮砂仁善能安胎氣健脾胃也予嘗用之驗甚若兼氣惱更加柴胡因風寒須用參蘇飲

生生子曰前症亦有因火者故丹溪用抑青丸前人亦有用濟生竹茹湯者予歷歷見爲火症者多寒者間而有之亦有愈治而愈逆者便當勿藥待之俟胃氣和當自瘳矣

茯苓半夏湯 妊娠脾胃虛弱飲食不化嘔吐不止

半夏炮炒黃

陳皮各一錢

白茯苓二錢

砂仁炒一錢

炙甘草五分

羌東烏梅水煎服二帖后用茯苓丸

茯苓丸

姪娠煩悶頭暈聞食吐逆或胸腹痞悶

赤茯苓

人參

桂心

炮姜

半夏

泡炒黃

橘紅各一兩

白朮炒

葛根

甘草炙

枳殼

麩炒各二兩

右蜜丸梧子大每服五十丸米飲下日三服

白朮湯

胃虛惡阻吐水甚至十餘日粥湯不入

白朮炒一錢

人參五分

丁香

炙甘草

各二分

右姜水煎服

保生湯

妊娠惡阻少食嘔吐或兼吐瀉作渴

人參一錢

炙甘草

白朮炒

香附

烏梅

橘紅

各五分

右姜水煎服

仲景乾姜人參半夏丸 治妊娠嘔吐不止

乾姜 人參 半夏等分

爲末姜汁糊丸梧子大米飲下十日三服

歸原散 惡阻嘔吐不止頭痛全不入食諸藥無効

人參 甘草 川芎 當歸 芍藥 丁香各五錢

茯苓 白朮 陳皮各一兩半 桔梗炒 枳壳炒各二兩半

半夏泡炒黃一兩 右每服五錢加羌六片枣一枚水煎服

已上五方治寒痰惡阻之劑也

竹茹湯 惡阻嘔吐不下食

青竹茹 橘紅各二兩 生姜 茯苓各四兩 半夏五兩

右水六升煮取二升半分三服

人參橘皮湯 惡阻嘔吐痰水 人參 橘皮 白朮

麥冬各一兩 甘草二錢 厚朴制 白茯苓各五錢

右每服五錢加青竹茹一錢生姜三片水煎服

妊娠嘔吐痰水不食 生苳根一兩 橘紅七錢 生姜一兩

檳榔三錢 右作三次水煎服

妊娠惡食心中煩憤熱悶嘔吐 竹茹 麥冬各二兩

前胡二兩 橘紅一兩 苳根一握 水一大升煮半升作二

次食前服 已上四方治熱痰惡阻之劑也

羅太無半夏茯苓湯 惡阻心中憤悶頭目眩暈四肢怠

倦百節煩痛胸膈痰逆嘔吐惡心嫌聞食氣好噉酸醎

多臥少起全不進食先服此湯次服前茯苓丸

半夏泡炒黃一兩二錢 赤茯苓 熟地黃各七錢半 芍藥 橘紅

旋覆花千金方無此而有細辛紫蘇 人參各半兩 川芎

桔梗 甘草各五錢 右每服五錢姜七片水煎空心服

○若有潮熱煩渴口瘡去橘紅細辛加前胡知母七錢

半若腹冷下利去地黃加炒桂心五錢 ○若胃中虛熱

大便秘小便赤濇加大黃七錢半 去地黃加黃芩一二錢半

### 胎動不安

姙娠胎動或飲食起居不節或衝任經虛或因過酒房室

擊觸跌撲損動臟腑或脾氣虛弱誤服藥餌或感冒風

寒當各推其因而施治之有因母病而胎動者但治其

母而胎自安有胎不堅固動及母疾但安其胎而母自愈面赤舌青其胎已死面青舌赤吐沫其母必死唇口色青兩邊沫出子母俱死也

薛氏曰前証胎氣鬱滯者紫蘇飲脾氣虛弱者六君子湯加紫蘇枳壳鬱結傷脾者歸脾湯加柴梔鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝噉化之

丹溪曰產前當清熱養血因火動胎逆上喘急者以条芩香附之類為末調下墮胎乃氣虛血虛血熱所致懷妊嗜物乃一臟之虛黃芩安胎妙藥乃上中二焦之劑能降火下行加白朮為安胎聖藥也俗不知以為寒而不

取用殊不知產前宜清熱令血循經而不妄行故能養胎

又曰將臨月胎熱以三補丸加炒香附白芍飪餅為丸服  
抑熱以三補丸以地黃膏為丸○孕至八九個月必用  
順氣枳殼紫蘇梗

固胎方法 川芎 地黃 黃芩各五分 歸身 人參

白芍 陳皮各一錢 白朮一錢半 甘草三分 黃栢 黃連俱少許

桑寄生一錢 右每服五六錢加糯米五十粒水煎服

血虛不安者加阿膠腹痛者加砂仁能止痛安胎行  
氣故也一方加黃連名固孕丸

仲景云妊娠宜常服當歸散 當歸 黃芩 芍藥

芎藭 各一兩

白朮 半斤

右為末酒調服方寸七日二服

常服之即易產胎無苦疾產後百病悉主之

肘後方

治胎動不安

取芎根如足大指者一尺水煎

服

一方有生姜五片○丹溪云芎根大能補陰血而行滯血

立效散

治胎動不安如重物所墜冷如冰

即佛手散也

縮砂散

治胎動不安墮在須臾痛不可忍神効

砂仁

連壳炒黑為末

每服二錢酒下

鈎藤湯

妊娠胎動腹痛面青冷汗氣欲絕者

鈎藤鈎

當歸

茯神 去皮

人參

各一錢

苦梗

一錢半

桑寄生

一錢

右水煎服煩熱者加石膏

黃芪湯

氣虛胎動腹痛下水

糯米 一合

炙黃芪



川芎各一兩

水煎分三服

順氣飲子

產前服之安胎

紫蘇葉

木香煨人參

草薺薺

茯苓各一兩

炙甘草一錢

大腹子

一兩氣虛者去之

右每服三五錢加苧根三寸糯米三十粒水煎服

安胎寄生湯

妊娠下血或胎不安或腰腹痛

桑寄生

白朮各五分

茯苓四分

甘草一錢

水煎服

安胎飲

體倦惡食或胎動腹痛或下血發熱腰痛

炙甘草

茯苓

川歸

熟地

川芎

白朮

黃芪

白芍炒

半夏泡

阿膠炒

地榆

各五分

加姜枣水煎服

又方

好銀煮取水入葱白作羹食之妙

生生子曰按良方云妊娠婦人倘氣血虛弱無以滋養其胎終不能成也宜下之以免其禍若胃氣壯實衝任榮和如魚之處淵得其所也宜必盡方技以補養之庶無所悞設因病而胎不能安者不得不下之藥劑亦須謹

慎

桂心散 妊娠因病而胎不能安者以此下之

桂心 瓜萸 牛膝 藿麥 各五分 歸尾 一錢 右水煎服

又方 牛膝 一兩 酒煎食前空心服下

又方 生鷄子一枚鹽三錢攪勻服之立下

佛手散更妙 凡胎死者即下生者即安

胎漏下血 附卒然下血下如豈汁

良方曰妊娠經水時下由衝任氣虛不能約制蓋心小腸  
二經相爲表裏上爲乳汁下爲月水故妊娠經水壅之  
以養胎蓄之以爲乳若經水時下名曰胞漏血盡則斃  
矣

丹溪曰胎漏有因氣虛者有因血虛者有因血熱者不可  
不察也

薛氏曰前症有風熱者以防風黃芩丸若因血熱加味道  
遙散血虛二黃散血去太多八珍湯未應補中益氣湯  
若因肝火用柴胡山梔散脾虛加味歸脾湯若因事下  
血作痛八珍湯加阿膠熟艾脾胃虛者補中益氣湯加  
五味子下陷者倍升麻柴胡晡熱內熱用逍遙散亦有

血氣盛養胎之外而有餘者不必服藥

卒然下血良方謂冷熱不調七情失宜氣血不和所致若傷於胎則痛血去多則墮矣 薛氏云前症氣怒者小

柴胡湯風熱用一味防風丸血熱用一味子芩丸脾氣虛六君子湯中氣下陷補中益氣湯

一婦妊娠六月每怒下血甚至寒熱頭痛脇脹腹痛作嘔少食予謂寒熱頭痛乃肝火上冲脇脹腹痛乃肝氣不行作嘔食少乃肝侮脾胃下血乃肝火血熱用小柴胡加芍藥炒黑山梔茯苓白朮而愈 訶子能止胎漏及胎動欲主脹悶氣喘

安胎散 治卒然腰痛下血

熟地 艾葉 白芍炒 川芎 黃芪炒 川歸

阿膠炒 甘草炙 地榆各五分 加姜枣水煎服

子芩丸 治肝經有熱妄行用細条芩沉實者炒為末每

服一錢以鉄秤鎚燒赤淬酒熱調服若脾胃虛者不宜

用

防風丸 治肝經有風血因妄動而不歸經

防風為末每服一錢白湯調下

防風黃芩丸 治肝經有風熱致血崩便血尿血用条芩

炒焦防風等分為末酒糊丸梧子大每服三五十丸食

前米飲或酒下

二黃散 治胎漏下血或內熱晡熱或頭痛頭暈煩燥作

渴或脇肋脹痛等症

生地

熟地

為末每用三錢煎白朮枳殼湯調

服

二黃杵膏為丸尤妙  
庶不枯槁而有力也

芎歸膠艾湯

妊娠下血腹中痛為胞阻以此安之

艾葉

阿膠

炒

川芎

當歸

各三兩

甘草

一兩

右細切以水八升煎取三升內膠溶盡分三服

立聖散

治妊娠下血不止

鷄肝三枚用酒一升煮熟頓食之大効

阿膠散

妊娠無故下血不止

阿膠三兩炒為末酒一升半煎合溶一服愈

又方

治血熱下血及胎漏下血不止

阿膠二兩為末 生地黃半斤搗取汁以清酒三升

汁分三服

又方 治胎漏下血不止胞乾即死宜急治之

生地黃汁一升 陳酒五合 全煎三五沸溫三服以止為度

枳壳湯 治虛熱胎漏下血或因事下血

枳壳 黃芩各半兩 白朮一兩 水煎食前分三服

本事方 治胎下血不止

桃奴桃樹上乾不落桃子是也 燒存性為末水調服炒

妊娠胎漏下黃汁或如荳汁白漿或如赤荳汁子歷見此

症不早治其胎必墮

大千方 治妊娠忽然下黃汁如膠或如荳汁胎動腹痛

乃氣虛也

糯米

五升

黃芪

六兩

水七升煎取二升分四服

薛氏云若肝脾濕熱用升陽除濕湯肝脾風熱加味道遙

散肝脾鬱怒加味歸脾湯脾胃氣虛用錢氏白朮散若

脾氣下陷補中益氣湯風入腸胃用胃風湯

東垣升陽除濕湯

治婦人女子漏下惡血月事不調或

暴崩不止多下水漿之物皆由飲食失節或勞傷形

體或素患心氣不足因飲食勞倦致令心火乘脾其

脈緩而弦急按之洪大皆脾上受邪也

柴胡

羌活

蒼朮

黃耆

炒各錢半

防風

升麻

甘草

炙

藁本

各一錢

蔓荊子

七分

獨活

當歸

各五分



右水煎食前服

胃風湯 治風邪乘虛客於腸胃水谷不化泄瀉下注腹

脹虛滿腸鳴作痛及腸胃虛熱下如荳汁或瘀血日

夜無度

人參

白朮

茯苓

川芎

川歸

白芍

桂皮

粟米

右水煎食遠服

銀苧酒 治妊娠下黃汁或如赤荳汁

苧根

去黑皮

好銀

各一斤

水九升煮取四升每服入酒

半升煎分二服

脈經曰婦人懷軀六月七月暴下斗餘水其胎必倚而墮

此非時孤漿預下也

胎漏下水乃徐徐而下今暴下而多故知胎墮

胎上逼 子懸也

妊娠將養如法則血氣調和胎得其所而產亦易否則胎動氣逆上逼臨產亦難甚至危矣

陳良甫云治一婦人有孕七個月遠歸忽然胎上冲心而痛坐臥不安兩醫治之無效遂說胎已死矣用葶麻子研爛加射香貼臍中以下之命在垂亡召陳診視兩尺脈絕他脈平和陳問二醫作何症治答曰死胎也陳曰何以知之曰兩尺脈絕是以知之陳曰否此子懸也若是胎死却有辯處面赤舌青子死母活面青舌赤吐沫母死子活唇口俱青母子俱死今面不赤舌不青其子未死是胎上逼心宜以紫蘇飲治之至十服其胎遂不

逼而下安矣

紫蘇飲 治妊娠胎氣不和逼上脹滿疼痛謂之子懸

兼治臨產驚恐氣結連日不下

紫蘇葉一兩 大腹皮 人參 川芎 陳皮

白芍各五錢 當歸三錢 甘草一錢 右剉分三服每服加

姜四片葱白七寸水煎至七分空心服○會有累日

產不下遍服催生藥不効此必坐草少早心存一點

畏懼氣結而不行非不順也素問云恐則氣下蓋恐

則精神怯怯則上焦閉閉則氣還還則下焦脹氣乃

不行得此藥一服便產及治妊娠六七月子懸每用

此數數有驗不十服胎便近下而安

大千方 治胎上逼煩悶併治胎動因篤

葱白二七莖濃煮汁飲之若胎未死則安已死即下如

未効再服○若唇口青黑手足厥冷須佐以當歸湯

○本草云葱白通陽氣安胎

此方神妙脈浮滑者宜之

當歸湯 治胎動煩燥或生理不順唇口青黑手足厥冷

人參 當歸 阿膠 炒 炙甘草 各一錢 葱根 連白一握 右水四

碗煎四味減半去渣入葱再煎至一碗分二服

薛氏云一妊婦每因恚怒其胎上逼左關脈絃洪乃肝火

內動用小柴胡加茯苓枳殼山梔而愈但體倦不食用

六君子調養脾土加柴胡枳殼調和肝氣乃瘥

又一妊婦胎上逼胸滿噯氣飲食少思此脾氣鬱滯用紫

蘇頓安又用四君子加枳殼柴胡山梔而瘳

大聖散 治妊娠怯悸夢驚心腹脹滿連臍急痛

白茯苓 川芎 麥冬 黃芪炒 川歸各一錢

人參 炙甘草 木香各五 加生姜水煎服

白朮湯 妊娠遍身痛或冲心欲死不能飲食

白朮五兩 黃芩二兩 芍藥四兩 右水六升煮取二升半

分三服○緣胎有水致痛兼易產

妊娠心痛腹痛

妊娠心腹痛或宿有冷疾或新觸風寒或痰飲相搏若痛

傷胞絡必至動胎甚則傷墮

妊娠卒心痛氣欲絕

川芎

當歸

茯苓

厚朴

制各一錢

水煎服

當歸芍藥湯

妊娠心腹急痛或去血過多而眩暈

白芍炒

當歸

茯苓

白朮炒

澤瀉

各一錢

川芎

二錢

右水煎服

阿膠散

治胎痛腹痛

白茯苓

白朮炒

川芎

阿膠

炒各一錢

當歸

陳皮

各二錢

甘草

炒三分

右姜枣水煎服

熟艾湯

治妊娠心腹痛或吐血衄血

熟艾如拳大水煮服之效○中惡亦妙

有癥者宜去癥

凡胎動多在當臍今動在臍上故知是癥也

此症宜以仲景桂

枝茯苓丸主之

桂枝茯苓丸

妊娠腹痛不能忍或偶有所傷胎動不安

命將絕者砂仁不以多少連皮炒黑色或單用仁炒

爲未熟酒調下二錢不飲酒者米飲下但覺腹中熱

胎已安矣懸命須臾者以砂仁湯吞桂枝茯苓丸又

名奪命丸專治婦人小產下血子死腹中其婦增寒

手指唇口爪甲青白面色黃黑胎上搶心悶絕欲死

冷汗自出或食物或誤食草藥傷動胎氣下血不止

胎或未損者服此卽安胎已死者服此卽下腐爛者

亦能取下此方原係異傳丹溪亦稱其神此卽仲景

桂枝茯苓丸但用淡醋湯嚼下耳 桂枝 茯苓

牡丹皮

桃仁去皮尖

赤芍藥

右各等分蜜丸彈子

大淡醋湯嚼下一丸不知漸加至三丸

妊娠腰背痛

腎主腰胎繫于腰痛甚者或因勞役傷損則胎墮也

薛氏曰若外邪所傷用獨活寄生湯勞傷元氣八珍湯杜仲砂仁膠艾脾腎不足以前藥加白朮補骨脂氣血鬱滯用紫蘇飲加桔梗枳殼肝火所動以小柴胡湯加白朮枳殼山梔肝脾鬱結用歸脾湯加柴胡枳殼

一妊婦頸項強直腰背作痛此膀胱經風邪所致用拔萃姜活湯一劑而愈又用獨活寄生湯及八珍湯以祛邪固本而痊

通氣散 腎虛腰痛神効 破故帛炒爲末空心每服二



錢嚼胡桃肉半個以温酒下

杜仲丸

治妊娠腰背痛

杜仲炒

川續斷酒浸

各等分爲末煮枣肉爲丸梧子大每服七十丸酒或米飲下

膠艾湯

治腰腹疼痛胎動欲落卽前妊娠下血安胎飲

是也

熟地

艾葉

白芍

川芎

黃芪

阿膠

川歸

甘草炒

各等分加姜枣水煎服

獨活寄生湯

治足三陰虛風濕所侵腰膝恩節作痛

獨活

桑寄生

續斷酒炒

杜仲姜汁炒

細辛

秦艽

牛膝酒炒

茯苓

白芍炒

桂心

川芎

防風

人參

熟地

川歸

粉草

炙各五分

右水煎服

一婦苦腰痛數年不愈用白朮一味大劑服不三月而痊  
乃胃氣虛閉之症白朮能利腰臍之血故安胎而治痛  
也

拔萃姜活勝濕湯 治頭疼脊痛腰似折項似拔

羌活

獨活

各一錢

藁本

防風

炙甘草

各五分

川芎

蔓荊子

各二分

右水煎服如身重腰沉沉然是

濕熱也加黃柏一錢附子五分蒼朮二錢

妊娠小腹痛

薛氏曰一妊婦小腹痛作痛其胎不安氣攻左右或時逆上  
小便不利用小柴胡湯加青皮山梔清肝火而愈後因  
怒小腹脹滿小便不利水道重墜胎仍不安此亦肝木

熾盛所致用龍胆瀉肝湯一劑諸症頓愈乃以四君子加柴胡升麻以培脾土而安

龍胆瀉肝湯 治肝經濕熱兩拘腫痛或小腹痛脇痛小

便澁滯等症

龍胆草

酒拌炒黃

澤瀉

各一錢

木通

生地

川歸

車前子

炒

山梔

炒

黃芩

炒

甘草

各五分

水煎服

阿膠散

嚴氏名膠艾湯

不問妊娠月數深淺或顛仆或因毒藥胎

動不安腰疼腹痛搶心短氣

熟地

艾葉

白芍

川芎

黃芪

阿膠

川歸

甘草

炙各一兩

右剉每服五錢入姜枣水煎服

金櫃方無黃芪

妊娠心腹脹滿

薛氏曰若外感風寒內傷飲食用藿香正氣散若食傷脾胃用六君子湯若陽氣壅滯用紫蘇飲

一妊婦飲食停滯心腹脹滿或用人參養胃湯加山查青皮枳壳其脹益甚其胎上攻惡心不食右關脈浮大按之則絃此脾土不足肝木所侮用六君子加升麻柴胡而愈後小腹痞悶用補中益氣湯升舉脾氣乃瘥

妊娠數墮胎

夫胎乃陽施陰化榮衛調和經水完全十月而產若血氣虛損不能養胎所以數墮也凡妊婦腰痛多致墮胎

薛氏曰丹溪云陽施陰化胎孕乃成血氣虛乏不能榮養

其胎則墜。譬如枝枯則果落，藤瘦則花墜。嘗治賈氏婦，每有姪至二三月前後，必墜。診其脈，左右大而無力，重則瀦，知其血虛也。補其中氣，使血自榮。時正初夏，教以濃煎白朮湯，下黃芩末二錢，與數十帖，得保而生。因而思之，墜於內熱而虛者，於理爲多。曰：熱曰虛，蓋姪至二月上屬相火，所以易墜。不然，何以黃芩、熟艾、阿膠等爲安胎之妙如此也。大抵治法須審某月屬某經，育養而藥之。

生生子曰：胎猶瓜也。瓜生於藤，藤肥而瓜壯，未熟而凋者，由藤槁而風搖也。胎藏母腹，繫于命門。命門者，督脈之所循也。又衝任二脈爲血之海，姪婦而經不行者，血蓄

以養胎也足月而生者猶瓜熟而蒂落也苟內無所傷  
外無所感何墮之有衝任督三脈一宗衝脈由氣街而  
行足少陰任脈起於胞門子戶由會陰而行腹督脈繫  
廷孔由會陰而行背歷長強循腰膂命門而上巔驗今  
之墮胎者苟非衝任之不足必由色慾之縱恣淫火一  
動則搖撼其督脈胞門亦由之而不閉胎斯墮也胎墮  
必腰痛者腰膂命門皆督脈之所歷胎又繫于命門故  
也觀牝獸之護胎則可推其所慎矣牝牡交合有節懷  
胎之後牡獸近身則蹄而遠之是以交而必孕孕而必  
育者由交合之有節也懷妊而不遠慾卽幸不墮生子  
亦必脆弱多疾痘疹亦多險逆皆淫火燉煉所致觀丹

溪曰虛曰熱抑豈無其所自乎予故揭而告諸保孕者  
當知其所慎重至于藥劑則虛熱二字爲之本矣是以  
八珍阿膠杜仲黃芪黃柏黃芩桑寄生香附爲安胎之  
妙者得非治其本歟

凡保胎當理脾胃脾胃爲倉廩五臟六腑之所稟受胚胎  
由之以滋養也胃屬陽明陽明者衝任之長也

一方 鯉魚二斤者一尾粳米一升用鹽醬和煮食之甚  
善一月食三次爲佳

芎藭補中湯 懷姙血氣不能榮養以致半產早能服此  
預先補之不致于墮

乾姜 煨

阿膠 炒

芎藭

五味子

各五分

黃芪 炒

川歸 白朮炒 杜仲炒 白芍藥各一錢 人參

木香 甘草各五分 右水煎服虛寒所宜

千金保孕湯 氣血不足每至三四月而墮當預服之

人參 黃芪 白朮 川歸 甘草 黃芩

杜仲 桑寄生 川續斷 白芍藥 砂仁

加稷米五十粒水煎食遠服○若氣痞悶不舒加厚

朴蘇梗○若腹疼加熟艾葉香附○見血下加升麻

地榆椿根白皮阿膠

醋附丸 治數墮胎者此藥甚妙 亦治崩漏帶下積聚

癥瘕臍腹疝痛

香附子擦去毛淨 用好醋煮透焙乾為末仍以醋打糊為丸



梧子大每服三五十九米飲下

脈經曰婦人懷胎一月之時足厥陰脈養之二月足少陽  
養三月手心主脈養四月手少陽脈養五月足太陰脈  
養六月足陽明脈養七月手太陰脈養八月手陽明脈  
養九月足少陰脈養十月足太陽脈養諸陰陽脈各養  
三十日手少陰太陽不養者上爲乳汁下主月水也值  
養胎之經者不可針灸犯之必墮胎

### 胎不長

良方曰妊娠而胎不長者因有宿疾或因失調以致臟腑  
虧損氣血虛弱而胎不長也當治其疾疾益其氣血則  
胎自長矣

生生子曰曾見一宦婦每妊至五六月則墮如此者三次胎甚瘦小詢知少時患哮喘因而背駝軀亦矮小因腹中不舒其胎不能長后治其哮喘再孕乃不墮竟足月而產一子此固偶然則良方宿疾之說似不誣矣

薛氏曰一婦胎六月體倦懶食面黃晡熱而胎不長因勞欲墜此脾氣不足也用八珍湯倍加參朮茯苓二十餘劑脾胃漸健胎安而長矣

生生子曰昔在西吳有張氏婦年二十三孕適三月迎子脰之其脈兩尺皆瀦左手短弱右關不充據脈瀦不當有妊而其夫云向已受胎者二俱彌月而產體皆不完始無舌次無水火門戶產下隨死而無生氣今第三孕

矣心憂之以翁治法多奇思幸投劑而保全之也予以  
脈叅之多爲神志不足因處一方曰壯神益志保孕湯  
卽語之曰是方每月可服十帖過八月則不必服矣彼  
欣然從而服之足月產一女形全而氣壯及再有姪未  
服藥雖生一女完矣而頭面爲白膜遮蔽隱隱僅見耳  
目口鼻而亦隨死也後又孕適子歸省其婦心憂失措  
夫諭之曰無恐前保孕方在向以未服乃致乖舛今可  
亟服也照方服如前至期生一子而無恙舉家以此方  
爲神錄而置之香火堂中尸祝之此亦愚見之偶中者  
人以旋服旋効而遂神之也亦其家爲富而甚不仁丘  
里啣之當其產而偵之其產而怪以爲作惡之報迨產

子而無恙卽以鄙爲保孕之神至今傳頌不衰也子因  
記其事并戒夫人之爲惡者

壯神益志保孕湯 茯神 當歸 酸枣仁 人參

遠志 山藥 黃芪 鹿角膠 各一錢 白朮 二錢 砂仁 三分

甘草 四分 加圓眼肉五枚枣二枚水煎服

黃芪湯 治妊娠不長更安胎和氣

黃芪 炒 白朮 炒 陳皮 麥冬 白茯苓 前胡

人參 各五分 川芎 甘草 炒三分 右姜枣水煎服

集驗方 用鯉魚長尺許者如食法整理飲其汁則胎漸

大而長矣然亦須每月服數次爲妙

墮胎後血下不止

墮胎後復損經脈而下血不止甚則煩悶致死皆以調補胃氣爲主

薛氏曰一姪婦墮胎昏憤不時吐痰自用養血化痰之劑昏憤不省自汗發搐痰涎湧出彼以爲中風欲用祛風化痰予曰此屬脾氣虛寒所致遂用十全大補湯加炮姜二十餘劑尋愈

墮胎下血煩滿寒熱狂悶鏘鹿角屑爲末每服三錢水調下日三服

墮胎下血腹痛 阿膠炒一兩 艾葉五錢 水煎服

補中益氣湯 加鹿角膠一錢臨服入童便半酒杯立止  
人參黃芪湯 治小產氣虛血下不止

人參 黃芪炒 當歸 白朮炒 白芍炒

艾葉各一錢 阿膠炒二錢 水煎服

未足月欲產

妊娠未足月而痛欲產者知母丸佳氣血不足者芎歸補

中湯倍加知母或八珍湯內加之血熱所宜

薛氏曰一妊婦八月胎欲墜如產臥久少安日晡益甚此

氣血虛弱朝用補中益氣湯加茯苓半夏隨愈更以八

珍湯調理而安

芎歸補中湯 治氣血虛而欲產

艾葉代姜炒 阿膠炒 川芎 五味子炒 川歸

白朮炒 黃芪炒 人參 芍藥炒各一錢 甘草炙五分

杜仲錢 水煎作二次服

知母丸 十月未足而痛如產兼治產難及子煩知母為末蜜丸梧子大米飲下三十丸或酒下

又方 月數未足而似欲產腹痛

槐子 蒲黃 等分為末蜜丸梧子大酒吞三十丸痛

止為度 蒲黃味一以井水調服亦焦

千金方 治月未足而欲產

菖蒲根搗汁一二升灌下

本草云菖蒲治胎動不安下血

過期不產

妊娠月足而過期不產者當補血行滯羅先生以四物湯

加香附朮仁枳壳縮砂紫蘇水煎服之數帖即生

赤水空珠 二十一卷  
妊娠咳嗽

夫肺內主氣外主皮毛腠理不密寒邪乘之則咳嗽秋則肺受之冬則腎受之春則肝受之夏則心受之其嗽不已則傳于臟腑妊娠病久不已則傷胎也

薛氏曰若秋間風邪傷肺用金沸草散夏火邪尅金用人參平肺散冬寒邪傷肺用人參敗毒散春風邪傷肺用參蘇飲若脾肺氣虛用六君子芎歸桔梗若血虛桑皮杏仁桔梗腎火上炎用六味丸加五味子煎服脾胃氣虛風寒所傷補中益氣湯加桑皮杏仁桔梗

又治一妊婦氣喘痰甚諸藥不効素有帶下始于目下有浮氣兩月其面亦然此氣虛而有痰飲也用六味丸料



數劑而愈

一妊婦嗽則小便出此肺氣不足腎氣虧損不能司攝用  
補中益氣湯以培土金六味丸加五味以生腎氣而安  
一妊婦咳嗽其痰上湧日五六碗許諸藥不應予以爲此  
水泛爲痰用六味丸料及四君子湯各一劑稍愈數帖  
而安

一妊婦因怒咳嗽吐痰兩脇作痛此肝火傷肺金以小柴  
胡湯加山梔枳殼白朮茯苓治之而愈但欲作嘔此肝  
侮脾也六君子加柴胡升麻而痊

桔梗散 治風寒咳嗽喘急不食 天冬去心 赤茯苓各一錢

桑皮 桔梗炒 紫蘇 貝母 人參各五分 麻黃去節

炙甘草 各三分 右加姜水煎服

馬兜鈴散 治咳嗽氣喘 馬兜鈴 苦梗 人參

甘草 貝母 各五分 紫蘇 錢一 橘紅 大腹皮 桑皮 各

錢 五味子 十一粒 右姜水煎服

百合散 咳嗽胸膈煩悶 川百合 紫苑 麥冬

苦梗 桑皮 各五分 甘草 三分 竹茹 二分 加姜水煎服

妊娠傷寒涎多咳嗽 知母 杏仁 天冬

桑皮 各五分 姜水煎服

加味參蘇飲 治項背拘急鼻塞頭眩時發寒熱咳嗽

即參蘇飲加五味子杏仁是也

妊娠吐血衄血

妊娠吐血衄血由七情臟腑所傷氣逆于上致血上溢不止心悶甚者多死或墮胎也宜用局方必勝散

薛氏曰若肝經怒火先用小柴胡山梔生地次用前藥合四物後用加味逍遙散若肝經風熱防風子芩丸心經有熱硃砂安神丸心氣不足茯苓補心湯思慮傷心妙香散胃經有火犀角地黄湯膏粱積熱加味清胃散肺經有火黃芩清肺飲因氣鬱滯紫蘇飲子氣不攝血用補中益氣湯腎經虛火六味地黄丸

紫蘇飲 治妊娠失調胎氣不安上攻作痛或氣逆失血  
方在胎上逼卷中

一妊婦因怒失血兩脇脹痛小便淋瀝此怒而血蓄于上

隨火出也用小柴胡合四物四帖血止用六君子安胎  
飲調理全安

必勝散 治男子婦人血妄流溢或吐咳衄血並妙

小薊連枝用 人參 蒲黃炒 熟地 川歸

川芎 烏梅去核各一錢半 水煎服

黃芩清肺飲 治妊娠肺熱吐衄及治肺熱小便不利

黃芩炒 山梔炒各一錢 鹽豉二十粒 水煎服

加味清胃散 治醇酒厚味唇齒作痛或齒齲潰爛并頭

面頸項疼痛及妊娠吐衄

川歸 黃連炒一錢半 生地 丹皮各一錢 犀角 連翹一錢二分

升麻二錢 甘草五分 右水煎服 便秘加大黃

子煩

良方曰姪娠苦煩悶者以四月受少陰君火以養精六月受少陽相火以養氣若母心驚胆寒多有是症產寶云是心肺虛熱或痰積于胸若三月而煩者吐涎惡食大凡停痰積飲寒熱相搏吐甚則胎動不安

薛氏曰內熱子煩用竹葉湯氣滯用紫蘇飲痰滯用二陳加白朮黃芩枳殼氣鬱用分氣飲加川芎脾胃虛弱用六君子加紫蘇山梔

竹葉湯 姪娠心驚胆怯終日煩悶名曰子煩

白茯苓 二錢 防風 黃芩 麥冬 各一錢 竹葉片 十片

水煎服 一方有知母

人參散 熱乘心脾煩熱乾渴 人參 麥冬 赤茯苓

地骨皮

黃芩

炒

乾葛

甘草

五分

犀角

鑄各一錢

水煎服

竹茹湯

妊娠煩躁或胎不安

淡竹茹一兩水煎服之

知母丸

知母一味炒為末棗肉丸如彈子大每服一丸

人參湯下

分氣飲

脾胃虛弱氣血不和胸膈不利或痰氣喘嗽飲

食少思

陳皮

茯苓

半夏

桔梗

大腹皮

蘇葉

白朮

炒

枳殼

炒

山梔

炒各一錢

甘草

炙五分

右加姜棗水煎服

治子煩口乾不得臥用黃連為末每服一錢米飲調下

赤水玄珠婦人門第二十二卷

新安生生子孫一奎著輯

妊娠煩躁口乾

足太陰脾之經其氣通於口手少陰心之經其氣通於舌  
若臟腑不調氣血不和以致內熱乘於心脾津液消燦  
故心煩口乾也與子煩大同小異宜用益母丸卽前一  
味知母丸是也

一妊婦煩熱咽疼用知母散加山梔清肺而愈后又內熱  
咳嗽小便自遺用補中益氣加麥門冬山枝以補肺氣  
滋腎水而痊

知母散 治煩躁悶亂口乾

知母

麥冬

黃芪炒

子芩炒

赤茯苓銚

甘草

水煎

竹瀝一合再煎一沸

服之

人參黃耆散 治身熱煩躁口乾

人參

黃耆炒

葛根

秦艽

赤茯苓

麥冬銚

知母

甘草

各五分

右姜二片竹葉十四片水煎服

妊娠風痙子癇

妊娠體虛受風而傷足太陽經遇風寒相搏則口噤背強

甚則腰反張名之曰痙須臾自醒良久復作又名日子

昌又類子癇



生生子曰風痙乃外邪從太陽而入有剛柔之分當從仲  
景法於傷寒門中求治子癰乃痰涎所致是內臟所生  
治當分別

薛氏曰若心經風熱用鈎藤湯肝脾血虛加味道遙散肝  
脾鬱怒加味歸脾湯氣逆痰滯紫蘇飲肝火風熱鈎藤  
散脾鬱痰滯二陳姜汁竹瀝若兼症相雜看所兼重輕  
分治

一妊婦出汗口噤腰背反張時作時止此怒動肝火也用  
加味道遙散漸愈又用鈎藤散而止更以四君加鈎藤  
山梔柴胡而安

一妊婦因怒忽仆地良久而甦吐痰發搐口噤項強用羚

羊角散漸愈更用鈎藤散始痊又用歸脾湯全安

羚羊角散 治妊娠言悶角弓反張及子癇子言風痙等

症

羚羊角 獨活 酸棗仁炒 五加皮 防風

川芎 苡仁炒 川歸洗 杏仁去皮尖

茯神各五 炙甘草 木香各二 右姜水煎服

鈎藤湯 方見胎動不安卷

雲箕子葛根湯 妊娠臨月因發風痙忽悶憤不識人吐

逆眩倒併治了癇

葛根 貝母 丹皮 防風 川歸 川芎 茯苓

桂心 澤瀉 甘草略一 獨活 石羔 人參略三

右以水九升煮取三升分作三服。貝母令人易產未  
臨月升蘇代之此症多由風寒濕乘虛而感皆從太陽  
經治

活人獨活防風湯 治太陽有汗名柔症

桂枝 獨活 防風 各一 芍藥 三兩 甘草 半兩

右每服乙兩水煎溫服

防風葛根湯 治太陽無汗名曰剛症

葛根 兩 麻黃 兩 芍藥 防風 各二兩 桂枝 一兩

每服一兩先煮麻沸去上沫入餘藥同煎溫服

妊娠瘕瘕

瘕者筋脉急而縮也瘕者筋脉緩而伸也一縮一伸手足

相引搖擗不已大抵與嬰孩發搐相似此症多屬風風  
主搖動駱龍吉云心主脈肝主筋心屬火肝屬木木主  
風風火相熾則爲癎瘖也。治法若因風熱用鈎藤湯  
加柴胡山梔黃芩白朮以平肝木降心火養血氣若風  
痰上壅加竹瀝南星半夏若風邪急搐加全蝎姜蚕氣  
血虧損用八珍湯倍加鈎藤山枝若抽搐無力戴眼反  
折汗出如珠者肝氣絕也皆不治

薛氏治一妊婦四肢不能伸服祛風躁濕之劑遺尿痰甚  
四肢抽搐乃肝火血燥用八珍湯倍加炒黑黃芩佐以  
鈎藤湯而安後因怒前症復作小便下血寒熱少寐飲  
食少思用鈎藤散加山枝柴胡而血止續用加味逍遙

散寒熱退而得寐用六君子湯加芍藥鈎藤飲食進而  
漸安

鈎藤散 治肝厥頭暈

鈎藤鈎 陳皮炒半夏 麥冬 茯苓 茯神

人參 甘菊 防風各一錢 炙甘草二錢 石膏煨二錢

姜三片水煎服

姙鬼胎

人由臟府失調血氣不充營衛虛損則精神衰弱而鬼魅  
之類得以乘之亦如懷姙之狀故名曰鬼胎也

薛氏曰一婦經閉八月肚腹漸大面色或青或黃用胎症  
之藥不應薛診視之曰面青脉濇寒熱往來肝經血病

也面黃腹大食少体倦脾經血病也此鬱怒傷脾之症  
非胎也不信仍用胎劑無功乃與加味歸脾湯逍遙散  
各二十餘劑諸症稍愈彼欲速別效服通經丸一服下血  
昏潰自汗惡寒手足俱冷嘔逆不食用人參炮姜二劑  
漸愈又用十全大補湯五十餘劑而安

治此症大抵要看虛實實者可攻涉虛者必於補中兼消  
而佐以雄黃丸之類行而散之

雄黃丸 治鬼胎瘀血腹痛

雄黃 鬼臼 去毛 莽草 丹砂 巴霜

獺肝 炙黃各半兩 蜥蜴 一枚炙 蜈蚣 一條炙

右爲末蜜丸梧子大每服二丸空心溫酒下日二服或

下蛇驚之類

治鬼胎及血氣痛不可忍

斑猫去頭翅足用糯米炒

延胡索炒等分

爲末温酒下五分以去穢物爲度空心服

斬邪丹 治鬼胎大如抱甕

吳茱萸 川烏 秦芫 柴胡 姜蚕

莞荖醋炒 巴戟 巴仁各一兩

爲末蜜丸梧子大每服七丸蜜酒下取下惡物

妊娠不語此名曰瘡

黃帝曰人有重身九月而瘡此爲何也岐伯對曰胞之脉

絡絕也帝曰何以言之岐伯曰胞絡者繫於腎少陰之

脉貫腎繫舌本故不能言帝曰治之柰何岐伯曰無治也當十月復

此至人穷理之言患此者當靜以偵之不必驚惶而亂投劑十月分娩後當自語也

妊娠傷寒熱病防損胎

良方曰非節之氣傷於妊娠熱毒侵損胞胎若不早治多致墮胎漏血則子母之命亦不能全矣

薛氏曰此亦當分六經爲主相參而治

妊娠傷寒身痛壯熱

葱白

一升

前胡

葛根

石膏

各二兩半

青代

一兩半

升麻

二兩

梔子

十二枚

水煎分三服

妊娠傷寒大小便閉結



前胡

二兩半

大黃

石膏

各五兩

山梔

十枚

知母

黃芩

茯苓

生姜

各二兩

水煎分三服

妊娠傷寒發斑忽黑小便如血其胎欲落

山梔

升麻

各四兩

青黛

二兩

生地

四兩

石膏

八兩

葱白

一升

三兩

水煎分三服又用井中泥塗心下乾則易

妊娠熱病先宜白朮散以安其胎傷寒亦然

白朮

黃芩

炒各二錢

加姜枣水煎服

若四肢厥逆陰症也不可服

妊娠傷寒

生生子曰妊娠傷寒所干甚大治之不早及治不如法多

傷胎損母古人以四物加入引經散邪之劑可選而用

之然亦不能盡其變茲錄以補之

阿膠散 治時氣傷寒先服此以安胎却以主藥相間服

阿膠炒 白朮炒 桑寄生 人參 茯苓

右為末每服一錢糯米飲調下日三服

前胡湯 治傷寒頭痛壯熱肢節煩痛

石膏錢一 前胡 甜竹茹 枝子炒 黃芩炒

大青 知母各五分 加葱白水煎服

蘓木湯 傷寒時行洒淅寒振或兼噓者

赤芍 橘紅 黃芩炒 黃連炒 甘草 蘓木

各五分水煎服汗出即瘥 如胎不安更服阿膠散

黃龍湯 妊娠寒熱頭疼黑黑不食脇痛嘔痰及產後傷

者

柴胡二錢

黃芩炒

人參

甘草各一錢

水煎服

柴胡石膏湯

頭疼惡寒身熱拘急口乾

柴胡二錢

甘草一錢

石膏三錢

姜水煎服

若氣虛加人參

枳實散

傷寒四五六日腹脹少食腰疼脉重

枳實炒三錢

陳皮一錢

麥冬半錢

姜葱水煎服

旋覆花湯

傷寒頭目旋疼壯熱心躁

旋覆花

赤芍

甘草各五分

前胡

石膏各一錢

麻黃去節

白朮

人參

黃芩各五分

姜水煎

麥門冬湯 傷寒壯熱嘔逆頭疼胎氣不安

人參 石膏各一錢半 前胡 黃芩各五分 葛根

麥冬各一錢 加姜棗竹茹水煎服

梔子大青湯 發斑變黑尿便血

升麻 梔子 大青 杏仁 黃芩各一錢

加葱白三寸水煎服

白朮湯 傷寒煩熱頭痛胎動或時吐逆不食

白朮 橘紅 麥冬 人參 前胡 川芎

甘草 半夏 赤茯苓各五分 姜竹茹水煎服

芎藭散 治外感風寒壯熱頭疼心胸煩悶

紫蘇葉 川芎 白朮 白芍 麥門冬

陳皮

乾葛

各五分

甘草

各三分

右姜葱白水煎服

參蘓飲

治症同上

妊娠時行病

四季之間反常如春寒夏冷秋熱冬煖乃非其時而有其氣者謂時行不正之氣也感之者少長三五相似甚至沿門闔境相類妊娠患之重者多致損胎○亦當與傷寒熱病參治

秦艽散

治時氣五六日不得汗口渴飲水狂言嘔逆

秦艽

柴胡

各五分

石膏

一錢

犀角

赤茯苓

前胡

甘草

葛根

升麻

黃芩

各四分

加淡竹茹水煎服

葛根飲子 時氣煩熱口乾頭疼

乾葛

麻黃

去根節 各半兩

石膏

一兩

豆豉

一合

白米

半升

枝子

十四粒

葱白

二莖

水煎分三服汗出為効

消熱飲子

治時氣六七日大小便不利

芒硝

一兩

細研 葵子

二兩

水煎分三次以利為効

人參敗毒散

治四時傷風頭痛發熱咳嗽

此方即倉廩湯減陳倉米是也

過時熱病

冬時觸言嚴寒即病曰傷寒不即病而毒藏於肌骨之間

至春發為溫病至夏發為熱病也。妊娠患之多致墮胎。熱病與暑病相似，但熱病脈實，暑病脈虛。治當審察。治妊娠熱病頭痛嘔吐煩悶。

人參一方無 竹茹 葛根各一兩 芩根二兩 知母三兩

麥冬一兩半 每服五錢葱白三寸水煎服

枝子仁飲 治病發斑黑色小便如血氣喘急胎欲墮

梔子 升麻 石膏 生地各二兩 黃芩一兩

大青八錢 每服五錢葱白七寸豉四十粒 水煎服

大黃飲 治熱病六七日大小便秘澀

大黃微炒 石膏各一兩 知母 前胡 赤茯苓各七錢

梔子 甘草 黃芩各五錢 生地黃一兩半

每服七錢水煎服

蘆根湯 治病熱頭痛心煩嘔吐

知母

四兩

竹茹

三兩

每服五錢生蘆根一握同糯米一

撮水煎服

梔子五物湯 治妊婦傷寒壯熱頭痛

梔子

前胡

知母

各二兩

黃芩

一兩

石膏

四兩

每服五六錢煎服

升麻六物湯 治傷寒斑黑溺血

升麻

梔子

各二兩

大青

杏仁

黃芩

各一兩

每服五錢葱白五寸水煎服

又方



伏龍肝爲末每服一錢水調下外用水調塗臍下

又方

芎根煮汁時服一盞

熱病胎死腹中

良方曰熱病以致胎死腹中不能出者但服黑神散胎自下矣

陳無擇先生曰當視其產母若面赤舌青其子已死面青舌赤母死子生唇青吐沫子母俱死若雙胎或一死一活用黑神散

薛氏曰竊謂前症宜補助產母使其胎自下黑神散恐大熱不宜輕用果胎已死者用平胃散加朴硝水銀下之

之最爲穩當庶不併傷生者

生生子曰前症妊母旣因熱傷其胎矣必其母衝任熱極營衛枯槁其胎乃死猶之藤枯而瓜焦也仍以熱藥下之寧不重傷妊母乎薛公評之當也而良方每每謂妊婦致疾多起於寒按其逐月所著養胎之方籍熱藥爲主是亦一偏也其間豈無挾熱者乎故丹溪曰虛曰熱謂涼血則血循經而胎得以滋養血熱則沸騰也今此症始旣曰熱病胎死腹中矣又復以熱藥下之意者恐以死胎不下爲急而不暇顧其母耶不然必爲用寒涼治熱太過而中氣虛寒熱劑爲不得已用之也否則何陳無擇之高哲寧肯從而主之

黑神散

又名烏金散

桂心

當歸

芍藥

甘草

炙

乾姜

炮

生地

各一兩

黑豆

炒去皮二兩

大附子

炮去皮臍半兩

為末每服二錢溫酒下

又方

治胎死腹中

紅花

酒煮汁濃飲之二三碗効

又方

伏龍肝為末溫酒下二錢白湯下亦可

又方

朴硝為末童便和熱酒調下一二錢立下

妊娠瘧疾

妊娠病瘧乃夏傷於暑客於皮膚至秋而發陽盛則熱陰

盛則寒陰陽相離寒熱俱作妊娠而作多傷於胎

當於

瘧症門尋治

薛氏曰若木侮土久而不愈用六君子為主佐以安胎藥

乃參三陰三陽經而治之

卽瘧症門仲景方劉守真分經治療法也

清脾飲 小柴胡湯 逍遙散 補中益氣湯

選而用之極為穩當○黃芩白朮陳皮三味煎湯服亦

佳

妊娠泄瀉

良方論曰妊娠泄瀉或青或白水穀不化腹痛腸鳴謂之

洞瀉水穀不化喜飲嘔逆謂之協熱下利並以五苓散  
利小便次以黃連阿膠丸或三黃熟艾湯以安之若瀉  
黃有沫腸鳴腹痛脉沉緊數用戊己丸和之噉腐不食  
胃脉沉緊用感應丸下之後調和脾胃若風冷水穀不  
化如豆汁用胃氣湯寒冷臍下陰冷理中湯治中湯伏  
暑心煩渴瀉水用四苓散傷濕泄瀉小便自利用不換  
金正氣散胃苓湯此四症之大畧也仍參泄瀉門互治  
生生子曰前症予見之屢矣人皆以爲小疾忽而不治及  
生子率多虛弱子姪婦每懷妊必瀉治亦不愈分娩後  
又自止也其生子也脆而白無血色得非胎虛之故歟  
子因思之妊娠則月水蓄之以養胎血亦濕類也以停

濕故瀉經曰濕勝則濡泄是也治宜健脾燥濕后孕以  
白朮半夏等爲丸與之而安

薛氏曰按前症若米食所傷用六君加穀蘖麵食所傷六  
君加麥蘖肉食所傷六君加山查若兼寒熱作嘔乃肝  
木侮脾土用六君加柴胡生姜兼嘔吐腹痛手足逆冷  
乃寒水侮土六君加姜桂不應用錢氏益黃散若元氣  
下陷發熱作渴肢體倦怠用補中益氣湯若泄瀉色黃  
乃脾土之真色用六君加木香肉果若作嘔不食腹痛  
惡寒乃中焦虛寒用六君加木香姜桂若瀉在五更侵  
晨飲食少思乃脾腎虛弱五更服四神丸日間服白朮  
散如不應或愈而復發或飲食少思急用八味丸補右

腎以培脾土為善

厚朴丸 治洞瀉寒中

乾姜 炮 厚朴 製等分

為末糊丸梧子大米飲下五十丸

草果散 治虛寒泄瀉腹痛無度

厚朴 姜制 二兩 肉果 麴煨 十枚 草豆蔻 煨 十枚

每服三錢水煎服

妊娠下痢黃水

妊娠痢疾宜搜痢疾門參治而痢黃水乃脾土虧損真氣

下陷也當升補中氣看所兼何症而治之在臨病制宜

不必拘用阿膠艾葉之類也

產寶方 治妊娠痢黃水

厚朴 姜汁炒 黃連 各二兩 肉果 五枚

右水煎徐徐服以効為度

又方 治熱痢

黃連 一升 黃栢 一升 梔子 二十枚

每服五錢水煎如嘔者加橘紅生姜

又方 妊娠下痢痛

糯米 一合 當歸 炒 黃芪 各一兩 水煎分四服

臨產下痢用梔子炒為末每服二錢白湯調甚効

妊娠大小便不通

大小便不通由臟府之熱所致若大腸熱則大便不通小



腸熱則小便不通大小腸俱熱更推其因而藥之

當歸散 妊娠因怒肚腹脹痛四肢浮腫氣急作喘大便

難小便澀產門腫

當歸五分

赤茯苓

枳壳麩炒

白芍

川芎

各一錢

白姜炮

木香

甘草各三分

姜一片

水煎

若氣弱者枳壳減半大便秘加蜜同煎服

妊娠大小便不通腹脇痞悶不思飲食

大黃炒

木通

枳殼各一兩

枳壳

麩炒二錢

訶子

四枚去核半生半熟用

大腹子

三枚

共為末童便一盞葱白七莖煎六分調服二錢

治妊娠小便不利氣急服猪苓散不瘥用甘遂為末蜜和

服豆許微利之未利再服利後仍服猪苓散

猪苓散 治妊娠小便澁痛及胎水

猪苓

去皮

為末白湯調下一錢加至二錢日三

服夜二服

又方

車前子

一兩

大黃

炒半兩

共為末每服三錢蜜湯調下

妊娠小便不通名曰轉脬

妊娠小便不通為小腸有熱

於脬而不通耳若兼心肺

氣滯則致喘急陳無擇云妊娠胎滿逼胞多致小便不

利若心腎氣虛清濁相干而為諸淋若胞系了戾小便

不通名曰轉脬若胎滿尿出名曰遺尿

薛氏曰按丹溪云轉脬小便閉多因胎婦虛弱憂悶性躁  
燔炙厚味古方用滑利疎導藥鮮効若脬爲胎所壓而  
不通但當升舉其胎俾胞系疎鬆而小便自行若臍腹  
作脹而小便淋閉此脾胃氣虛胎壓尿胞四物二陳參  
朮空心服後探吐數次自安竊謂前症亦有脾肺氣虛  
不能下輸膀胱者亦有氣熱鬱結膀胱津液不利者亦  
有金爲火燥脾土濕熱甚而不利者更當詳審施治

一婦患此小腹腫脹幾至於殆用八味丸一服小便淋瀝  
再以八味丸料加車前子一劑卽利肚腹頓宛而安

八味丸

治妊婦飲食如故煩熱不得卧反側倚息因脬

系了尿不得溺名轉脬但利小便則愈內有茯苓故也緩則不救

其方即六味地黄丸加附子桂心

古今錄驗治妊娠小便難飲食如故

當歸

貝母

去心炒

苦參

各三兩

滑石

半兩

為末蜜丸小豆大每服三十九米飲下

治妊娠小便不通臍下妨悶心神煩亂

葵子

研

榆白皮

各一兩

葱白七莖水煎分二服

古今錄驗妊娠不得小便者

杏仁

去皮尖

炒黃搗丸豆大燈心湯吞下七丸

又用滑石末水和塗臍下

又方

車前草汁調滑石末塗臍周圍四寸熱易之

又方

杏仁 滑石末 等分 飯丸豆大每白湯下廿九

又方

紫苑爲末井花水調下二錢

葵子散 妊娠小便不利身重惡寒眩暈水腫

葵子 赤茯苓 各五兩 爲末每服二錢米飲下

生生子曰子嘗以補中益氣湯加桔梗治數婦皆効但用

滲利藥而不得通者必須升提氣升則水自降氣虛者

非大補則提亦無功

子淋

妊娠小便淋者乃腎與膀胱虛熱不能制水然妊婦胞繫於腎腎間虛熱而成斯症甚者心煩悶亂名曰子淋也薛氏曰前症若頸項筋挛語濇痰甚用羚羊角散若小便澁少淋瀝用安榮散若肝經濕熱用龍胆瀉肝湯若肝經虛熱用加味逍遙散腿足轉筋而小便不利急用八味丸緩則不救若服燥劑而小便頻數或不利用生地茯苓牛膝黃柏知母五味麥冬玄參若肺氣虛而短少用補中益氣加山藥麥冬若陰挺痿痺而頻數用六味丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱

膀胱陽虛陰無所化用六味丸

地膚大黃湯 治子淋

大黃炒

地膚草

各三兩

知母

黃芩炒

猪苓

通草

赤芍藥

枳實炒

升麻

甘草

各二兩

每服五錢水煎服

安榮散

治子淋甚妙

麥冬

通草

滑石

川歸

燈心

甘草

人參

細辛

各五分

水煎服

治小便淋痛心煩悶亂

藿麥穗

赤茯苓

桑白皮

木通

葵子

各一錢

黃芩炒

車前子炒

芍藥

枳壳

各五分

右水煎服

治子淋小便澀痛

冬葵子

滑石

木通

各等分

每服六錢葱白七寸水煎服

猪苓散

方見大小便不通卷

妊娠遺尿

良方曰妊娠尿出不知用白薇芍藥爲末酒調下或白礬

牡蠣爲末酒調下二錢或鷄毛灰末酒服一錢或炙桑

螵蛸益智仁爲末米飲下

薛氏曰若脬中有熱宜加味逍遙散若脾肺氣虛宜補中

益氣加益智若肝腎陰虛宜六味丸



一 妊婦遺尿內熱肝脈洪數按之微弱或兩太陽作痛脇  
肋作脹以爲肝火血虛用加味逍遙散六味地黃丸尋  
愈后又寒熱或發熱或恚怒前症仍作用八珍散逍遙  
散兼服以清肝火養肝血而痊

### 妊娠尿血

妊娠尿血良方謂內熱乘於血分以致血熱流滲於脬名  
曰血淋用葵子一升研水五升煮二升分三服或生艾  
葉一斤酒五升煮二升分三服或生地一斤酒四升煮  
二升分三服亦治墮胎後下血

薛氏曰因怒動火者宜小柴胡加山梔因勞動火者補中  
益氣湯因厚味積熱宜加味清胃散若因肝經血熱宜

加味道遙散因脾氣下陷補中益氣湯若因脾虛血熱  
宜加味道遙散

一妊婦因怒尿血內熱作渴寒熱往來胸乳間作脹飲食  
少思肝脈弦弱此肝經血虛而熱也用加味道遙散六  
味丸兼服漸愈又用八珍湯加柴胡丹皮山梔而痊

續斷湯 治妊娠下血及尿血

當歸

生地

各一兩

續斷

半兩

赤芍

半兩

爲末每服二錢空心葱白湯調下

治妊娠尿血

阿膠

炒

熟地

各四兩

同搗爲丸每服八十九空心米

飲下

又方

四苓散 加炒阿膠車前子茅草根水煎服

又方

白茅根 濃煎湯吞酒蒸黃連丸

加味清胃散 方見

妊娠胎水腫滿

產乳集云妊娠三月足腫至腿出水飲食不甘似水腫謂之子氣至分娩方消者此脾胃氣虛或衝經有血風亦有脾虛水氣流溢或因瀉痢臟腑虛寒或因瘧疾飲水脾虛濕漬或因水漬於胞不能分利皆致腿足腫肚腹腫也

薛氏曰若胸滿腹脹小便不通遍身浮腫用鯉魚湯脾胃  
虛弱佐以四君子若面目虛浮肢体如水氣用全生白  
朮散如未應用六君子湯脾虛濕熱下部作腫補中益  
氣湯加茯苓若飲食失宜嘔吐泄瀉六君子湯腿足發  
腫喘悶不安或指縫出水天仙藤散脾胃虛弱兼四君  
子湯如未應補中益氣湯若脾肺氣滯加味歸脾湯佐  
以加味道遙散

一 妊婦每至五月肢体倦怠飲食無味先兩足腫漸至遍  
身後及頭面此脾肺氣虛朝用補中益氣夕用六君子  
加蘇梗而愈●凡治妊婦母泥月數但見某經症卽用  
本藥爲善

天仙藤散 婦人有水氣而成胎以致兩腿足浮腫

天仙藤 畧洗 香附子 炒 陳皮 烏藥 軟白辣者佳

甘草 各五分 右每服五錢生姜木瓜蘇葉各三片水煎

日三服

澤瀉散 妊娠遍身浮腫上氣喘急大便不通小便赤澀

澤瀉 桑皮 炒 木通 枳壳 炒 赤茯苓

檳榔 各五分 右姜水煎服

防己散 脾虛遍身浮腫腹脹喘促小便不利

防己 三錢 桑皮 炒 紫蘓莖葉 赤茯苓 各五分

木香 二分 右姜水煎服

千金鯉魚湯 妊娠腹大胎間有水氣

白朮 五兩 茯苓 四兩 當歸 芍藥 各二兩

右咬咀先以小鯉魚一尾如食法煮取汁二盞入藥

五錢姜七片橘皮少許煎七分空心服

腎著湯 治姙娠腰脚腫

茯苓 白朮 各八分 乾姜 炮 甘草 各一錢

杏仁 五分 右水煎服

五皮散 治胎水腫滿

大腹皮 桑白皮 炒 生姜皮 茯苓皮

橘皮 各一錢 木香 二分 右水煎服

全生白朮散 姙娠面目浮腫四肢腫如水氣名曰胎氣

又名胎腫

白朮

一可

生姜皮

大腹皮

陳皮

白朮

各五錢爲末每服二錢米飲下

治妊娠脚浮腫因脾衰血化成水以生料平胃散姜棗水煎服或爲末紫蘓葉湯調下二錢日二服以腫退爲度

腹內鐘鳴

良方曰孕婦腹內鳴用鼠穴中土爲末入射香酒調服二錢立愈或黃連煎濃汁常飲之

薛氏曰兒在腹中哭產寶方亦用空房中鼠穴土或黃連煎濃汁飲之卽止又云臍帶上疙瘩兒含口中因產婦登高舉臂脫出兒口以此作聲令妊婦曲腰就地如拾物狀仍復原入兒口卽止然黃連性寒麝香開竅當斟

酌用之

龔彥德孕癰方

治孕癰用烏藥五錢水一鍾煎七分入牛皮膠 兩煎化

溫服或薏苡仁煮汁飲之

薛氏曰按孕癰卽是腹內患癰如前法治之倘不應宜用

牡丹皮散或薏苡仁湯

薏苡仁湯 又名瓜子仁湯

治腸癰腹中疔痛煩毒不安或脹滿不食小便澀婦

人產后虛熱多有此病縱非癰但疑似間便可服

薏仁 一二錢 一方用冬瓜子仁無冬瓜子以括藁代之

姚氏去薏仁用杏仁崔氏加芒硝



薏苡仁

括蘆仁

各三錢

牡丹皮

二錢

右作一劑水煎服

牡丹皮散

治腸瘕冷症腹濡而痛時時利膿

丹皮

人參

天麻

白茯苓

黃芪

炒

白芷

苡仁

菝仁

去皮尖

當歸

洗炒

川芎

各一錢

炙甘草

宮桂

各五分

木香

三分

右水煎服

臟躁悲傷

許學士云一婦無故數次悲泣是為臟躁用大棗湯而愈

又程虎卿內妊娠五月慘感悲傷亦投大棗湯而痊

薛氏曰或因寒水攻心或肺有風邪者治當審察

一婦無故自悲用大棗湯二劑而痊後又復患用前湯佐

以四君子加山梔而安

一 妊婦悲哀煩躁其夫詢之云我無故但自欲悲耳用淡竹茹湯為主佐以八珍湯而安

大棗湯

甘草 三兩 小麥 三兩 大棗 十枚

淡竹茹湯 妊婦心虛驚悸臟躁悲傷或作虛煩

麥冬 小麥 半夏 湯炮各一錢半 人參 白茯苓 各一錢

甘草 五分 加姜棗竹茹水煎服

又方 治臟躁悲哭

紅棗燒存性為末米飲調下二錢

妊娠十月宜服滑胎湯藥

滑胎枳壳散 入月服之令胎瘦易產昔湖陽公主每產

累日不下南山道人進此方

枳壳

麩炒一兩

炙甘草

一兩

右爲末每服二錢空心沸湯調下日三服

凡孕六七月宜服之温隱居加當歸木香等分

又方 治同上 兼治諸疾下氣寬隔

枳壳

麩炒五兩

甘草

一兩半

香附子

炒三兩

右爲末每服二錢白湯調下

又方 易產滑胎

車前子爲末或酒或米飲調下一錢

神寢丸 臨月服之神効

通明乳香

半兩 另末

枳壳

楚炒一兩 為末

右蜜丸梧子大每空心酒服三十九

榆白皮散 滑胎易生

榆白皮

甘草

各二兩

葵子

一兩

右為末每以五錢水煎服

保氣散 寬氣進食瘦胎易產或居處失宜頓仆胎動若

或胎痛胎漏兼服佛手散

香附

木香

各四兩

山藥

二兩

砂仁

粉草

各一兩

益智

蘇葉

各半兩

為末每服二錢白湯調下

薛氏云神寢丸枳壳散併此方入月宜常服

保產無憂散

妊娠身居安逸口厭甘肥憂樂不常食物

不節致胞胎肥厚根蒂堅牢入月服之易生

當歸 川芎 白芍 枳壳炒 乳香各三錢

木香 甘草 血餘即髮灰以獾猪心血和之各一錢半

右為末每服三錢水煎日二服神効

妊娠臨月以猪肚一具煮爛徐徐食盡令易產

### 十一產論

一曰正產 懷胎十月滿足忽腰腹作陣疼痛相次胎氣

頓陷至於臍腹痛極乃至腰間重痛谷道挺併繼之漿

破血出兒乃遂生此名正產

二曰傷產 懷胎未產一月已前忽然臍腹疼痛有似欲

產仍却無事是名試月非正產也又名曰弄痛凡產母

未有正產之候切不可令人抱腰亦不可令產母妄亂用力若兒身未順纔方轉動便教產母空亂用力使子錯路忽橫忽倒不能正生皆由產母用力於未當用力之所致也直待兒身順適逼臨產戶始可用力一送令兒趁力生下

綱目曰右傷產一法最爲切要勿輕忽也凡十月未足臨產腹痛或作或止或痛不甚者名曰弄痛非正產之候或腹雖痛甚而腰不甚者非正產之候胎高未陷下者非正產之候穀道未挺併者非正產之候水漿未破血未出者非正產之候漿血雖出而腹不痛非正產之候凡未有正產之候且令扶行耐忍如不能行或凭物

坐之或安臨之或且服安胎藥一二帖卽安得安卽止  
慎勿妄服催生藥又勿愴惶致令產母憂恐而挫其志  
務要產母寬心存養調停令老誠練達穩母先說諭之  
如覺心中煩悶可取白蜜一匙新汲水調下切勿妄亂  
用力先困乏其母直待子逼門戶腰重痛極眼中如火  
穀道挺迸方是正產候也此時始可用力并服催生藥  
也予男婦于未產一月已前腰腹俱痛全似將產其痛  
至甚但遇已時稍止如此十餘日計無所出因閱此條  
遂與安胎藥加參朮數服間與肉味養之由是平復不  
痛又二十餘日始產一男設若此際亂動亂用力并服  
催生等藥則立見其危矣

三曰催產 若婦欲產漿破血下已見是爲正產之候但  
却未生卽可服催生藥催之忽有經及數日產母困苦  
亦可服藥以助產母之正氣令兒速生也

四曰凍產 凡冬月天冷產母經血得冷則凝以致兒子  
不能生下此害最深但冬月產者下身不可脫去綿衣  
尤不可坐卧寒處當滿房著火常有煖氣令產母背身  
向火令臍下腿膝間常煖血得熱則流動使兒易生此  
名凍產

五曰熱產 凡盛夏之月產婦要溫涼得所不可恣意取  
涼傷損胎氣亦不令房中人多恐熱逼襲產母使產母  
血沸而有發熱頭痛面赤昏昏如醉乃至不知人事此



名熱產

六曰橫產 凡兒先或露手或先露臂此乃產母未當用力而用之過也兒身未順用力一遍遂至身橫不能生下當令產母安然仰卧後令看生之人先摧其手令人直上漸漸逼身以中指摩其肩推上而正之或以指攀其耳而正之須是產母仰卧然後推兒徐徐正之候其身正煎催生藥一盞飲之方可用力令送兒下此名橫產

七曰倒產 凡產母胎氣不足關鍵不牢用力太早致令兒子不能迴轉使直下先露其足當令產母仰卧令看生之人推其足入不可令產母用分毫力亦不得驚恐

使兒自順去

八曰偏產 兒身未正產母用力一逼致令兒頭偏柱左  
腿或偏柱右腿故頭雖露偏柱一畔不能生下當令產  
母仰卧次令看生之人輕輕推兒近上以手正其頭令  
兒頭頂端正然後令產母用力一送即便生下若是小  
兒頭腦後骨偏柱穀道只露其額當令看生之人以綿  
衣炙溫裹手於穀道外方輕輕推兒頭令正便令產母  
用力送兒生也此名偏產

九曰礙產 兒身已順而露正頂不能生下蓋因兒身迴  
轉肚帶攀其肩以此露正頂而不能生下當令產母仰  
卧令看生之人輕輕推兒近上徐徐引手以中指按兒

肩下撥其肚帶仍須候兒身正順方令產母用力一送使兒生下此名礙產

右橫產倒產偏產礙產四法若看生之人非精長妙手不可依用此法恐恣其愚以悞人命也按倒產者今時往往隨其倒足生下並無後患子母雙全不必依推足復上之法亦可又礙產者往往有肚帶纏在兒頂上而兒頭自出在產門外看生之人以手撥其肚帶從兒頭頂過而下之者又有肚帶纏在頂上一匝而兒與胞衣自然同下者皆無妨不必以此礙產法復入產門內撥下也

十日坐產

臨產時高處繫一手巾令產母以手攀之輕

輕屈足坐身令兒生下非坐在物上也此名坐產

十一曰盤腸產 趙都運恭人每產則大腸先出然後產

子既產之後其腸不收甚以爲苦名曰盤腸產醫不能料偶在建昌得一坐婆施一法而收之其法以醋半盞新汲水七分和勻喫產母面每喫一縮三喫收盡此良法也

丹溪治產後腸不收香油五斤煎熱盆盛俟溫令產母坐油盆中約一頓食時以皂角末吹入鼻中嚏作立上

又方 葶蘇子十四粒去壳研如膏貼產母頭頂心上其腸上卽揩去

又方 腸出感以潔淨漆器濃煎黃芪湯浸之卽收

催生

催生柞木飲子 難產或胎爛腹中腹悶神効

生柞木 一尺 甘草 大者五寸

右水三鍾封罐口煎一鍾半候胎順產門徐徐温服卽時分娩更無諸苦

催生如神散 治橫生逆產其功甚大

百草霜 白芷 不見火等分

右爲末每服三錢至胎順產門以童便米醋和爲膏加沸湯調下或童便酒煎進二服然血得黑卽止此藥大能固血而免血軋甚妙

如聖散 黃蜀葵花焙爲末熱酒調下二錢○若漏血胎

乾胞澁難產併進三服卽產如無花用子半合末之  
温酒服尤妙。若打撲胎死紅花酒調下

順生丹

治同上

兔腦髓

去皮膜  
研膏

明乳香

一兩  
另末

母丁香

二兩

麝香

一錢

右以兔腦子九鷄頭子大陰乾每服一九温水下

又方

透明乳香一塊如皂子大爲末腰痛時用冷水醋

少許調服扶立令兩手握大石燕二枚口念醫靈藥

聖三遍行數步用坐產法便生更無痛楚神効

薛氏日其法土人視之

似迂然用之者稱驗甚

治逆產

蛇退

一條順下  
完全者

蚕退紙

一張

右共入新瓦罐內塩泥固濟煨存性爲末煎榆白皮

湯下一錢三服覺痛便生

又方

伏龍肝

研末

每服一錢酒調下兒戴上下

又方

魚膠

許一尺

新瓦上煨灰陳醋調服立下

胞漿先乾胎澁不下急服大料四物湯滋其血氣并濃煎

葱湯薰洗產戶更用油燭塗產戶內却服前藥

神妙乳砂丹

明乳香為末以猪心血丸梧桐子大硃

砂為衣陰乾每服二丸嚼碎冷酒下良久未生再服或

以蓮葉蒂七個水煎化服二丸尤妙良久未生再服

交骨不開產門不閉

交骨不開產門不閉皆由元氣素弱胎前失於調攝以致

血氣不能運達而然交骨不開陰氣虛也用加味苧歸

湯補中益氣湯產門不閉氣血俱虛也用十全大補湯  
一婦交骨不開兩日未生服加味芎歸湯一劑卽時而產  
彼後以此方傳與人服應手而効

一婦生平分娩最易至四十歲姙娠下血甚多產門不開  
與前湯一劑又以無憂散斤許煎熟時時飲之以助其  
血而生

一產婦玉門不閉發熱惡寒十全大補加五味子數劑而  
寒熱退又以補中益氣加五味子數劑而玉門斂○若  
初產腫脹或厥痛而不閉者用加味道遙散若腫旣消  
而不閉者用補中益氣湯切忌寒涼之劑

一婦脾胃素弱兼有肝火產後玉戶腫痛寒熱作渴嘔吐



不食敷大黃等藥服驅利之劑腫及於臀虛症蜂起此  
真氣虛也先用六君子以固脾胃乃以補中益氣湯升  
舉而消

一產婦失治腫潰不已形體消瘦飲食少思朝寒暮熱自  
汗盜汗半年矣予用補中益氣加茯苓半夏以健脾胃  
膿水漸少飲食漸進用歸脾湯以解脾鬱共五十餘劑  
元氣復而瘡亦愈矣

一產婦玉門不閉小便淋瀝腹中一物攻動脇下或脹或  
痛用加味逍遙散加車前子而安

一產婦子宮腫大二日方收損落一片殊類猪肝面黃體  
倦飲食無味內熱晡熱自汗盜汗用十全大補湯二十

餘劑諸症悉愈仍復生育

加味芎歸湯 治交骨不開不能生產

川芎

川歸

各一兩

龜板

一炙

婦人頭髮

燒存性一握

右為散每服一兩水煎服約人行五里即生縱死胎亦

下

### 產難方論

郭稽中曰產難者因兒轉身將兒枕血塊破碎與胞中敗血壅滯兒身不能便利是以難產急以勝金散消敗其血使兒易生陳無擇云多因兒未轉順坐草大早或努力太過以致胞衣破而血水乾產路澁而難下宜先服催生如神散以固其血設或逆生橫產當按法施治

勝金散 催生如神 麝香錢 豆豉兩

為末秤鎚燒赤淬酒下

下死胎方

穩婆之女勤苦負重娠腹中陰冷重墜口中甚穢子  
意其胎已死令視其舌青黑與朴硝一兩許服之化下  
穢水而安

一婦胎死腹中服朴硝下穢水肢体倦怠氣息奄奄用四  
君子為主佐以四物姜桂調補而安

又方 以利斧燒紅置酒中待温飲之其胎便下

又方 錫粉 水銀各一錢 枣肉為丸豆許大水吞立下

又方 平胃散五錢 酒水各一盞煎至一盞投朴硝五錢再

煎三五沸溫服其胎卽化水而去

寶慶方云凡欲斷臍帶先以繫物墜下後可斷之否則胞衣上卽沖心而死

### 產難生死脉訣

欲產之婦脉離經沉細而滑也同名夜半覺痛應分誕來  
日下午定知生身重体熱寒又頻舌 之脉黑復青反  
舌上冷定知死腹中須遣子歸冥

面赤舌青細尋看母活子死定應難唇口俱青沫又出子  
母俱死總高判面青舌青沫出頻母死子活是知真不  
信若能看應驗尋之賢哲不虛陳

新產之脉緩活吉實大弦急死來侵若得沉重小者吉忽

若堅牢命不停

寸口澁疾不調死沉細附骨不絕生審看此候分明記長  
須念此向心經

胞衣不出

郭稽中曰胎衣不下者因氣疲憊不能努出或血入衣中  
脹大而不能下以致心胸脹痛喘急速服奪命丹血散  
脹消其衣自下牛膝散亦効

一婦胎衣不出胸腹脹痛手不敢近用滾酒下失笑散一  
帖惡露胞衣並下

一婦胞衣不出腹痛手按之稍緩此氣虛不能送出也用  
無憂散而下○前症常詢諸穩婆云宜服益母丸或就

以產婦頭髮入口作嘔其衣自出不出者必死然前法甚効

奪命丹

大附子

炮半兩

牡丹皮

一兩

乾漆

炒煙盡一錢

大黃

一兩

爲末醋煎大黃成膏丸梧子大溫酒吞七九

花蕊石散

治產後敗血不盡血迷血暈胎衣不下至死

心頭煖者急用一服卽化水而出其効如神

花蕊石

一斤

上色硫黃

四兩

右和勻以紙泥封固瓦罐內炭火煨赤次日取出細研

每服一錢童便熱酒下

牛膝散

治胎衣不出腹中脹痛急服此藥腐化而下緩

則不救

川芎 朴硝 牛膝 蒲黃各三兩 川歸一兩半

桂心五錢 右每服五錢姜三片生地一錢 水煎服

又方 紅花一兩酒煮濃汁服

又方 鹿角鎊三錢為末葱湯調服

又方 取產母鞋底烘熱熨小腹上下二七次

產後血暈

良方曰產後血暈乃血入肝經甚至眼花昏悶用黑神散  
主之下血過多用清魂散補之或以醋湯細飲或預燒  
秤錘以醋沃之或釀醋塗口鼻或燒漆器薰之使產母  
鼻吸其氣庶無此患

薛氏曰若惡露上行用失笑散血下過多芎歸湯若過勞

所傷補中益氣湯血虛極用清魂散大凡產後口眼喎  
斜等症當大補氣血爲主而兼以治痰若脾胃虛弱用  
六君子湯苟於七月之前服安胎飲至八九月間加大  
腹皮黃楊頭元氣虛弱八珍湯臨產用無憂散則無前  
患

一婦八月胎下墜或動面黃躄倦飲食少思此脾氣虛弱  
用補中益氣湯倍白朮加蘇梗三十餘劑而安產後眩  
暈胸滿咳嗽用四物加茯苓半夏桔梗而愈

一婦因飲酒惡露甚多患血暈口出酒氣此血得酒熱而  
妄行虛而作暈也以佛手散加煨甘葛二錢一劑而痊  
酒性慄悍入月及產後不宜飲恐致前症



奪命丹 治血暈腹痛 沒藥 血竭 爲末等分每服

二錢熱童便沖酒下

清魂散 產後氣血暴損虛火妄動血隨火上以致心神

昏亂口噤眼花甚至悶絕而甦

澤蘭葉

人參

各一錢

荆芥

三錢

川芎

一錢

右各另爲末

每服一二錢熱湯和酒調灌之

一方

五靈脂

半生半炒

爲末每服二錢溫酒灌入卽甦

一方

荆芥爲末童便調服

一方

神麩末每服二錢熱水調服

一方

葶菜切入瓶內注熱醋以瓶口對鼻薰之

一方

半夏爲末瓦荳大入鼻中卽醒

亦治五絕

佛手散 治產後去血眩暈欲絕又治血崩不止

又能治胎痛安生胎而落死胎神効

川芎

酒洗

當歸

酒浸各五錢

酒水各一鍾煎至一鍾服

產後顛狂

產後顛狂乃敗血上冲用大聖澤蘭散加砂仁末三分煎  
酸棗仁湯調下或硃砂爲末二錢乳汁調和入紫頂活  
地龍一條滾二三沸去之入酒再用重湯煮溫分三服  
薛氏曰乃血虛神不守舍非補養元氣不可

一產婦患前症或用大聖澤蘭湯而愈後又怔忡妄言其  
痰甚多用茯苓散補其心虛頓愈又用八珍湯加遠志

茯神養其氣血而瘥

一產婦亦患此用化痰安神等藥病益甚神思消燼余以爲心脾血氣不足用大劑參朮芎歸茯神酸棗仁四斤餘而安乃以歸脾湯五十餘劑而愈

茯苓散 治產後心虛忪悸言語錯亂健忘少睡或自汗

盜汗

人參 炙甘草 芍藥炒 當歸 生姜各八分

遠志 茯苓各一錢 桂心六分 麥冬五分 大棗二枚

水煎溫服

抱膽丸 治產後遇驚發狂或遇經行發狂

水銀二兩 黑鉛一兩 硃砂五錢 乳香各一兩

右將黑鉛入銚內火熔化俟稍冷下水銀擾成砂子再入乳香硃砂乘熱用柳木槌研勻丸鷄頭子大每服一丸薄荷湯下得睡勿驚覺來卽安。妙香散亦善此症屬火者多不可槩視爲瘀血及虛治也童便極好或沖入涼血藥中用之屢屢見効

產後狂言譫語

產後狂言譫語乃心血虛也用硃砂末酒調下龍虎丹參丸琥珀地黃丸亦可如驚悸歌哭顛狂等症當叅治之一產婦形休甚倦時發譫語用栝子仁散稍愈又用加味歸脾湯而愈又因怒仍狂言脇痛小便下血用加味逍遙散以清肝火養肝血頓瘥又佐以加味歸脾湯而安

治敗血上衝發熱狂走脉虛大者

乾荷葉

生地

丹皮

各等分

濃煎湯調生蒲黃二錢

服之即止

妙香散

治產後語言錯亂用生地當歸煎湯調服立効

炙甘草

人參

桔梗

各五錢

茯苓

茯神

山藥

姜汁炒

黃芪

遠志

各一兩

辰砂

三錢

麝香

二錢

木香

一二錢半

右為末每服二錢温酒調服

○又能治心氣不足精神恍惚虛煩少睡盜汗夢與鬼

交等症

產後不語

產後不語因心氣虛而不能通津於舌則舌強不能言語

者宜服七珍散餘當推其所因而治之可也

七珍散

人參 石菖蒲 生地 川芎 各 細辛 一錢

防風 辰砂 另研各五錢

為末每一錢薄荷湯調服

胡氏孤鳳散 治產後閉目不語用之即効

生白礬為末每服一錢熱酒調下

產後不語

人參 石蓮肉 石菖蒲 等分

每以五錢水煎服